



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Exercitium Perfectionis, Et Virtutum Christianarum

In tres Partes distinctum

**Rodríguez, Alonso**

**Coloniæ Agrippinæ, 1622**

XX. Satis nobis ea esse debet oratio, quæ hactenus proposita est, nec conquerendum est, ex postulatūve, quod ad aliam illam eminentiorem nequeamus pertingere.

**urn:nbn:de:hbz:466:1-40072**

aliud præter cor tuum, non querit, hoc vnum spectat, hoc loco operis acceptat. Totum te illi in oratione offer, cor tuū illi præsentat, ac cum tali in ea feruore versari desidera, quo ardentissimi Seraphini coram eo consistunt; & hanc Deus voluntatem pro opere ipso intuebitur ac recipiet. Quocirca ea demum bona, iuxta hanc veritatem, erit deuotio, & optima consideratio, vt scilicet dum in oratione tepidos nos & aridos sentiemus, consideremus, quot serui Dei ea ipsa hora in oratione feruenter agant, forte etiam in lachrymis natantes, atque etiam sanguinem effundentes, imaginemur simul cum illis nos orate; nec cum illis modo, verum etiam cum omnibus Angelis ac spiritibus cælestibus, Deum amando & laudando; nosque ad ea quæ illi agunt referamus, hac ratione supplendo quod ipsi facere non possunt, ex toto corde quin & ore ipso, identidem verba illa Ecclesiæ repetentes, *Cum quibus & nostras voces vt admitti iubens deprecamur, supplicii confessione dicentes, Sanctus, sanctus, sanctus, &c.* quod ipsi dicunt, Domine, idem dico & ego; quod illi agunt, hoc ipsum & ego facere cupio, & quo ipsi modo te laudant & amant, equidem te laudare, benedicere & amare vellem. Interdum quoque nobis vtile erit ad nos ipsos referre, ad id scilicet tempus, quo alias bonam fecisse orationem nobis videbimur, dicentes: Quod tunc temporis volui Domine volo modo; sicut tunc me totum tibi obtuli, ita me offero in præsens, & sicut tunc temporis peccatorum me penitebar & humilitatem, patientiam, & obedientiam desiderabam, sic eam nunc Domine desidero, & à te efflagito.

Ante omnia vero mire fructuosum & vtile exercitium est, opera nostra cum operibus Christi coniungere, & eius, sanctissimæque eiusdem passionis meritis defectus nostros & imperfectiones tam in oratione, quam in reliquis ope-

ribus nostris commissos supplere, orationes nostras Patri æterno in amoris & feruoris, quo Christus ipse alias in terra orauit, & ipsum laudauit, vnione, ieiunia vero in ieiuniorum eius vnione offerendo; eum quoque rogando, nostram vt impatientiam per filij sui patientiam, superbiam per eius humilitatem, nequitiam per eius innocentiam supplere & instaurare dignetur. Hoc exercitium Dominus quibusdam de particularibus amicis suis, vt ait Blossius, alias reuelauit, vt hac ratione opera nostra meritoria faciamus, & aliquem valorem iis addamus, atque infinito meritorum Christi thesauro paupertatem nostram subleuemus.

*Hoc exercitium amicis suis Deus reuelat. Lib. 9. Instit. spirit.*

CAPVT XX.

*Satis nobis ea esse debet oratio, quæ hæctenus proposita est; nec conquirendum expostulandumue, quod ad aliam illam eminentiorem nequeamus pertinere.*

Verus humilis, vt ait Albertus Magnus, ad sublimem & eminentem orationis modum, & extraordinarios illos fauores, quos amicis suis interdum Dominus communicare solet, aspirare non audet, imo ne quidem id petere in cor suum admittit. Tam parui namque se facit, vt omni se gratia & spirituali consolatione indignum existimet; atque adeo si qua interdum consolatione eum Dominus visitare dignatur, non nisi summo cum timore eam recipit, has se ratus fauores & consolationes minime promereri, neque eum quem oportet ex iis fructum capere posse. Quocirca, si vere essemus humiles, ea hæctenus descripsimus: imo singularis

*li. de adhaerendo Deo. Tutiior oratio ordinata.*

Bb 3 cuius



cuiusdam beneficii diuini loco habere-  
mus, quod per viam humilitatis nos de-  
ducatur. hanc quippe viam insistentes  
tuti erimus & conseruabimur, in alia  
illa fortasse euanesceremus & perire-  
mus.

Serm. 5. in  
Quadrages.

S. Bernardus ita nobiscum Deum a-  
gere asserit, sicut in hoc mundo patres  
cum filiis paruulis solent: illi namque  
his panem petentibus libenter eum dant,  
at cultrum pani sciendo potestibus  
eum negant, quod hunc iis minime ne-  
cessarium esse norint, at aliquod potius  
dammum inferre posse, eo se se laedendo;  
Vnde ipse pater arrepto cultro panem  
discindit, ut ita puer a labore omni libe-  
retur & periculo. Eo prorsus modo a-  
git Deus; dat nimirum tibi panem dis-  
cisilum, gustus vero & consolationes  
quæ in eminentissima illa oratione con-  
tinentur, denegat, ne forte te lædas &  
noceas, inde superbiendo, dum te esse  
spiritualemputas, & aliis præfers; Vnde  
longe maius tibi Dominus dat benefi-  
cium, quod diuisum tibi det panem,  
quam si cultrum daret quo tu ipse eum  
diuideres: si per hanc orationem ma-  
gnam tibi det constantiam & genero-  
sum propositum ante moriendi, quam  
peccandi, teque toto vitæ tempore præ-  
seruet, ne in vllum lethale crimen pro-  
labaris, quæ a te melior ac fructuosior  
oratio posset desiderari?

Deus dat no-  
bis vtiliora,  
quam sint ea  
qua petimus.

Hoc quoque respondit filij prodigi  
pater filio suo primogenito: hic namque  
tanto videns fratrem suum afortunum gau-  
dio, plausu, & exultatione à patre in  
gratiam admitti, indignari cepit, & pa-  
ternas ædes ingredi noluit, dicens; Tan-  
to tempore fideliter tibi domi sum san-  
ctus, semper iussis tuis filialiter obsecraui  
& morigerus fui, & nunquam mihi vel hæ-  
dum dedisti, quem cum amicis meis  
manducarem, huic vero nepotianti, qui  
omnem suam substantiam consumpsit,  
& mandata tua spreuit, vitulum sagina-  
tum occidisti, splendidum epulum in-  
struxisti, symphoniam adornasti, atque

aliis lætitiæ modis excepisti: Respondit  
autem pater, *Fili tu semper mecum es*: id  
est, Non id eo facio tibi, quod illum tibi  
in amore præferam; tu semper domi & a-  
pud me conuerfarius: æquum etiam erit,  
ut, quod ipse tibi præsto, agnoscas & æ-  
stimes. An non satis tibi fauoris & be-  
neuolentiæ ostendo, quod te semper a-  
pud me detineam? Eodem plane modo  
feres hic habere: num paruum quid tibi  
videtur esse; Quod Dominus te sem-  
per apud se & in domo sua detineat? Læ-  
ge sane maius est, quod perseverantia  
tibi det donum, & ita te sibi constrictum  
teneat, ut ab eo nunquam peccando de-  
sciscas, quam quod post lapsum tibi ma-  
num tui filij prodigo factum, amicum  
portigat: sicut etiam maius est, ita ten-  
ti te ab eo, ut captum non committas,  
quam post collisionem perlanati. Si ve-  
ro hac ipsa quam habes orationis specie,  
hoc tibi Deus det, quid conquisis? Si  
per eam magnam quandam tibi ad om-  
nia, quæ ad cultum Dei pertinent, per-  
agenda promptitudinem, integram in-  
differentiam ac resignationem tui in  
omnibus quæ obedientia tibi præscribit,  
concedat, quid amplius desideras? Si  
per eam te in humilitate, ac sui timore  
conseruet, detque ut caute ambules, ab  
omnibus te occasionibus & periculis,  
quæ occurrere queant, præseruando,  
quam ingemiscendi habes causam? Hic  
nempe fructus est, qui ex oratione, elio  
ea etiam sublimior & eminentior foret,  
tibi colligendus esset, &, licet tibi Deus  
multas in ea consolationes & gustus da-  
ret, ad hoc eas debes ditigere. Hoc  
porro Deus in simplici hac & ordina-  
ria oratione facit; ut qui orationis fru-  
ctum & finem, sine extraordinariis il-  
lis eleuationum, ac spiritualium con-  
solationum medijs elargitur, ut rei-  
psa experiantur, qui in eadem perseue-  
rant.

Hinc duplici nomine propter hoc  
Deo grates agenda sunt: primo, quod  
ab euanescenti & superbiendi pericu-  
lo,

lo, quod forte subesset, si alia via con-  
duceremur, nos liberet, deinde quod  
orationis nobis fructum & utilitatem  
completissimam det. Ioseph Patriar-  
cha hinc fratres suos asperere & præfra-  
cte alloquebatur, illinc vero saccos  
eorum frumento repleri, ac laute læ-  
reque eos ab œconomo suo haberi ius-  
sit. Eodem prorsus modo Deus agit no-  
biscum.

Vix intelligimur in quo consistat o-  
ratio, vel potius in quo noster situs  
sit profectus & perfectio, quæ finis &  
fructus vnicus est, ad quem oratio ordi-  
natur. Sape vero dum male res suc-  
cedit, putamus bene eam succedere; &  
cum bene, tunc malum eius successum  
esse arbitramur.

Tu porro illud ex oratione colligere  
stude, quod ante colligendum monui-  
mus, ac præsertim vt illam diem bene &  
cum aliorum ædificatione transigere  
proponas, vt supra dictum est; & bo-  
nam tunc orationem feceris, etsi vel pu-  
mice aridior, & saxo durior in ea appa-  
ueris. Quod nisi ex oratione elicias,  
ea bona dicenda non est, esto toto eius  
tempore & lachrymis madueris, & ad  
tertium vsque cælum in ea euectus fuis-  
se videaris. De hoc ergo orationis ge-  
nere posthac noli conqueri; de teipso  
potius conquerito, ac dicito, In morti-  
ficatione, in humilitate, in patientia,  
in silentio, ac recollectione mentis,  
non eo quo quidem oporteret modo  
procedo.

Hæc sane bona quærela & expostula-  
tio est: per hanc namque de teipso con-  
quereris, quod ea non facias, quæ tibi  
necessario faciendæ sunt, & vt facias in  
tua sint manu: dum vero de oratione  
tua conquereris, de Deo conqueri vide-  
ris, quod eum, quem fortasse velles, ad  
eum tibi aditum, accessum, quietem, &  
consolationem non tribuat. Quare bo-  
na hæc expostulatio non est, nec (vt  
Bethulienus ait Iudith) est sermo, qui  
Deum ad misericordiam pronocet, sed

potius qui iram excites, & furorem ac-  
cendat. Et sane patet, quam in hoc se-  
cus atque oportet, & inucto modo  
procedamus: dum videlicet nequa-  
quam cõquerimur de eo quod nos mor-  
tificare, humiliare, vitam emendare  
(quod tamen in nostra est potestate) no-  
limus; sed de eo tantum, quod in nostris  
manibus non est, & à gratuito Dei do-  
no penitus dependet.

Cura ergo, vt te mortifices & supe-  
res, atque illud hic age quod proprie  
in tua situm est manu; Deo autem relin-  
que quæ ipsius sunt curare: magis quip-  
pe ipse erga bonum nostrum afficitur de  
eo sollicitus, quam nos ipsi: hinc si nos  
præstiterimus quod nostrum est, securi &  
ruti esse possumus à parte sua eum, in  
dando quod nobis conuenit, minime  
defuturum. Pluribus de eo loquemur,  
vbi de nostræ cum diuinæ voluntatis cõ-  
formitate agendi locus erit, vbi simul  
quærelæ & tentationi magis ex professo  
& proposito satisfaciamus.

Fac quod in te  
est, reliqua à  
Deo præsto-  
bit.

Tract. 8. c. 24  
& seqq.  
Vide super e.  
s. ad finem ex  
Bernardo.

CAPVT XXI.

Quæ sint cause, cur in oratione dis-  
trahamur, & quæ distractio-  
num curandarum sint  
remedia.

EST hæc ordinaria quædam quæstio &  
documentum, vnde etiam commu-  
niter sancti Patres de ea agunt, atque sa-  
tis in particulari Cassianus. Tribus  
causis vel radicibus procedere distra-  
ctionem in oratione posse docent. Pri-  
mo è nostra socordia ac negligentia,  
quod nimirum per diem in nimis multa  
nos diffundamus cum pauca cordis no-  
stri custodia, & exigua sensuum recolle-  
ctione. Qui ergo ita effunditur, querere  
non debet, vndenam postea orationis  
tempore distrahatur, & cur eam inire ne-  
queat. Certum est enim, imagines, figuras,  
ac

Collat. 2. c. 7.

Distractio-  
num tres cau-  
sas.

Socordia non  
fra.